

# Profiel van Maatskappy

Falcon Agricultural Equipment (Edms.) Bpk. is 'n eienaar-bestuurde besigheid en die grootste vervaardiger van wentelsnyers in Afrika. Die maatskappy het sy deure in 1985 by sy huidige perseel in Howick, KwaZulu-Natal, Suid-Afrika, geopen en is ideaal geleë – in 'n boerderygebied, met 'n vooraanstaande landboukollege naby. Ons het 'n geskoolde arbeidsmag van ongeveer 70 mense, 'n toegewyde span op wie ons baie trots is.

Ons primêre mark is die landbousektor, met nisverkope in die nywerheids- en turfimplementmarkte. Ons versprei ons produkte deur meer as 350 gemagtigde handelaars landswyd, asook buite ons grense in ander Afrika-lande, soos Botswana, Malawi, Uganda, Zimbabwe, Swaziland, Mosambiek, Namibië, Zambië en Kenia.

Ons vervaardig die Falcon- en Locust-implementreeks en voer ook implemente in wat die plaaslik-vervaardigdes komplementeer.

Die Falcon-reeks sluit wentelsnyers, Haymakers®, materiaalhanteringsimplemente, mulchers, grassnyers, strooiers, rotavators en ploë in. Almal is ontwerp om eenvoudig, veilig en diensbaar te wees en uitstekende waarde vir geld te bied. Hulle is gebou om te hou en ons strawwe Suid-Afrikaanse toestande die hoof te bied. 'n Groeiende fokus op vernuwing het tot produkte soos die 3,5 m Haymaker®, die Falcon Side Discharge Mulchers vir boorde en wingerde, en die veelsydige Uniloader™ gelei.

In baie dele van Suid-Afrika is “Falcon” die generiese term vir grassny-implemente, wat ons die onbetwiste leier op ons gebied maak. Die nakom van 'n bemerkingsbelofte vorm die grondslag van enige suksesvolle bemerkingsveldtog, en almal wat die Falcon-handelsmerk koop, koop meer as 'n produk – hulle koop die erfenis en deskundigheid van 'n maatskappy wat al lank in die land is!

Die Locust-reeks is veral geskik vir kleinhoeweboere, meer prysgevoelige kopers en ontluikende boere. Hierdie beperkte reeks koste-effektiewe implemente werk goed op ouer of minder kragtige trekkers en sluit wentelsnyers en 'n rollersnyer in.

Onder die ingevoerde produkte is die Amazone-strooiers, -spuite en -grassnyers (Duitsland), Votex-stokkiekappers en -grassnyers (insluitend reiksniers) (Nederland) en die swaardiens Woods Batwing-wentelsnyers (VSA).

Falcon Agricultural Equipment (Edms.) Bpk. is daartoe verbind om plaaslike gemeenskappe op baie verskillende maniere te ondersteun. Die hoofokus is die kinders se welsyn. Ons dra by tot die bou van geskikte en veilige huisvesting en die verskaffing van klaskamerverwante benodigdhede soos tafels, stoele en boeke, en ook klere, matrasse, komberse en ander items die heelaar deur.

Ons span is trots op sy professionele benadering tot besigheid. Ons het lang bestaande verhoudings met ons handelaars en hul klante opgebou, gebaseer op eerlikheid, vertroue, respek en integriteit. Voortreflike klantediens is 'n belangrike deel van die Falcon-belofte.